

Broj: 05-1/1-25-3417-8/22

Datum: 05.05.2022. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Sl. glasnik BiH“, br. 39/14), na preporuku Komisije za javnu nabavku, broj: 05-1/1-25-3417-7/22 od 21.04.2022. godine, direktor Kantonalne direkcije robnih rezervi, donosi:

## **ODLUKU o izboru najpovoljnijeg ponuđača**

### **Član 1.**

Prihvata se preporuka Komisije za javnu nabavku broj: 05-1/1-25-3417-7/22 od 21.04.2022. godine, i ugovor za javnu nabavku brašna dodjeljuje se ponuđaču „Klas“ d.d. Sarajevo, ponuda broj: KL-05-IP-617/22 od 07.04.2022. godine, za ponudenu cijenu u iznosu od **564.079,10 KM (bez PDV-a) i rokom isporuke od 1 dan.**

### **Član 2.**

Ugovor će se dostaviti na potpis izabranom ponuđaču protekom roka od 15 dana, računajući od dana od kada ponuđač bude obaviješten o izboru.

### **Član 3.**

Izabrani ponuđač je dužan da u roku od 5 dana od dana zaprimanja obavještenja o rezultatima ovog postupka javne nabavke (Odluke o izboru najpovoljnijeg ponuđača), dostavi sve dokaze o kvalifikaciji (dokaz lične sposobnosti, ekonomske i finansijske sposobnosti) koji su traženi kao uslov za učešće u ovom postupku javne nabavke i to na način i u formi kako je zahtjevano u sklopu tenderske dokumentacije za predmetni postupak javne nabavke brašna, pod uslovom da tražene dokaze nije dostavio u sklopu ponude.

### **Član 4.**

Ova Odluka objavit će se na web-stranici [www.vlada.kim.ba](http://www.vlada.kim.ba) istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama.

### **Član 5.**

Ova odluka stupa na snagu danom donošenja.

## **Obrazloženje**

Postupak javne nabavke pokrenut je Odlukom o pokretanju postupka nabavke broj: 05/1-25-3417/22 od 18.02.2022. godine.

Javna nabavka je provedena putem otvorenog postupka. Izbor ponuđača izvršen je na osnovu kriterija najniže cijene.

Procijenjena vrijednost javne nabavke bila je 565.094,70 KM (bez PDV-a). Obavještenje o nabavci broj: 5387-1-1-1-3-1/22 objavljeno je na Portalu javnih nabavki 21.02.2022. godine, a ispravka Obavještenja o nabavci broj: 5387-1-1-1-8-3/22 objavljena je 23.03.2022. godine.

Komisija za javnu nabavku brašna imenovana Odlukom o imenovanju Komisije za javnu nabavku brašna broj: 05/1-30-8108/22 od 05.04.2022. godine izvršila je otvaranje ponude dana 11.04.2022. godine. Komisija za javnu nabavku blagovremeno i pravilno izvršila otvaranje pristigle ponude, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 1 (jedan);
- da je blagovremeno zaprimljeno 1 (jedna) ponuda;
- da nema neblagovremeno zaprimljenih ponuda.

Nakon provjere računске ispravnosti ponude u skladu sa članom 17. Uputstva za pripremu modela tenderske dokumentacije i ponuda („Sl. glasnik BiH“, br. 90/14), Komisija je konstatovala računsku

grešku u obrascu za cijenu ponude. U navedenom obrascu, u rubrikama „UKUPNA CIJENA BEZ PDV-a“ za brašno naveden je iznos od 409.342,70 KM. Prilikom računanja ustanovljeno je da kada se 403.000 kg pomnoži sa 1,0157 KM/kg dobije se iznos od 409.327,10 KM. Također, u rubrikama „UKUPNA CIJENA BEZ PDV-a“ i „UKUPNA CIJENA BEZ PDV-a SA POPUSTOM“ naveden je iznos 565.094,70 KM. Prilikom računanja ustanovljeno je da kada se 409.327,10 KM sabere sa 154.752,00 KM dobije se iznos 564.079,10 KM.

Shodno tome, u rubrici „UKUPNA CIJENA BEZ PDV-a“ za brašno umjesto iznosa 409.342,70 KM trebalo je da stoji 409.327,10 KM, „UKUPNA CIJENA BEZ PDV-a“ i „UKUPNA CIJENA BEZ PDV-a SA POPUSTOM“ umjesto iznosa 565.094,70 KM trebalo je da stoji 564.079,10 KM. U rubrici „IZNOS PDV-a 17%“ umjesto iznosa 96.066,099 KM trebalo je da stoji 95.893,45 KM, a u rubrici „UKUPNA CIJENA SA POPUSTOM I PDV-om“ umjesto iznosa 661.160,799 KM trebalo je da stoji 659.972,55 KM.

Komisija je poslala ponuđaču zahtjev za ispravku računarske greške na koji je ponuđač dao pozitivan odgovor u ostavljenom roku, te je u skladu s tim ponuda prihvaćena.

Kantonalna direkcija robnih rezervi, kao ugovorni organ, je na osnovu člana 4. stav (3) i (4) Pravilnika o uspostavljanju i radu komisije za nabavke angažovala vanjskog stručnjaka Selmu Kunić ispred firme „MULTI LAB“ d.o.o. Tuzla pozivom br. 05-1/1-25-8128/2 od 05.04.2022. godine. Kako je predmet nabavke prehrambeni artikal, angažovana je imenovana kao inženjer prehrambene tehnologije koja je dala svoje pozitivno mišljenje o dostavljenoj proizvođačkoj specifikaciji.

Naime, imenovana je pregledala dokument koji je bio sastavni dio ponude, te se izjasnila da isti sadrži podatak o parametrima kvalitete kojima odgovara proizvodu u skladu sa zahtjevima Pravilnika o proizvodima žitarica („Službeni glasnik BiH“ br. 76/10). Komisija je jednoglasno prihvatila mišljenje te dala preporuku ugovornom organu da se ugovor zaključi sa ponuđačem „Klas“ d.d. Sarajevo ponuda broj: KL-05-IP-617/22 od 07.04.2022. godine za ponuđenu cijenu od 564.079,10 KM (bez PDV-a) i ukupnu cijenu sa popustom u iznosu od 564.079,10 KM i rokom isporuke od 1 dan.

Prilikom pregleda ponude Komisija je uočila i konstatovala sljedeće propuste:

- ponuđač je korektorom ispravljao i mijenjao numeraciju stranica u u gornjem desnom uglu svake stranice, dok se istovremeno u donjem desnom uglu nalazi druga numeracija;
- u obrascu za cijenu ponude korektorom je ispravljena i izmijenjena količina brašna i
- nacrt Ugovora nije u potpunosti popunjen.

Obzirom da se radi o manjim propustima, ponuda se i dalje smatra valjanom i prihvatljivom.

Ugovorni organ nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom, te je stoga odlučeno kao u članu 1. dispozitiva ove Odluke.


#### **POUKA O PRAVNOM LIJEKU:**

Protiv ove Odluke može se izjaviti žalba ugovornom organu, najkasnije u roku od deset (10) dana od dana prijema ove Odluke. Žalba se podnosi u pisanoj formi direktno na Pisarnici Tuzlanskog kantona ili preporučenom poštanskom pošiljkom na adresu Fra Grge Martića br. 8, Tuzla, i to u najmanje tri primjerka.

Dostavljeno:

1× „Klas“ d.d. Sarajevo

1× a/a



**DIREKTOR**

**Almir Žilić, dipl. ecc.**